

Hit ē-pơ, khòa<sup>n</sup> ũ chit ê lâu a-pô chhiú thèh tiòh ìn-á kap sin-hūn chêng beh lâi niá chî<sup>n</sup>. Pān-sū-oân kám-kak chin kî-kòai, chiū mng i kóng, “A-pô..á, lí kiám koh ũ teh chòe sit?” I ìn kóng, “Bô..ah! M̄-kú góa í-keng lāk-cháp gōa hòe, lóng thêng-keng (停經)--ah, iū-koh ták àm lóng khùn bōe khi, só-í góa lóng chóng beh lâi niá bān-it!”

### Suh-khùi kap Sù-kùi

*Liân Lē-hóa*



I-seng kā chit ê lâu hū-jîn-lâng kiám-cha liáu, chiū thè i an-pâi beh chòe tiān-kong ê liap-ia<sup>n</sup> kiám-cha. Tī kiám-cha sek ê sī, i-seng kā chit ê hū-jîn-lâng kóng, “A-Sáng! Tán--chit--ē, góa nā kóng suh-khùi ê sī, lí tiòh tòe góa kóng suh-khùi, sūn-sòa suh chit-chhùi khùi, án-ni lí kiám thia<sup>n</sup> ũ?” Chit ê hū-jîn-lâng hōe-tap kóng, “Góa chai-ia<sup>n</sup>.”

Tng teh chiò liap-ia<sup>n</sup> ê sī, i-seng chiū kóng, “A-sáng! Suh-khùi!” Chit ê sī-chūn tiòh thia<sup>n</sup> hit ê hū-jîn-lâng chin tōa sia<sup>n</sup> kóng, “Chhun, Hā, Chhiu, Tang.”

M̄ chai sī i-seng ê Tâi-gí bô phiau-chún, á-sī A-sáng ê hī<sup>n</sup>-khang ũ būn-tê, keng-jiân kā “suh-khùi” thia<sup>n</sup> kóng chòe “sù-kùi”.

### Gán-chêng ê sī-kong

*Ông Siok-tin êk*

Ū chit ũi sìn Pút chin khiân-sêng ê lâu-su, tiā<sup>n</sup>-tiā<sup>n</sup> tī siōng-khò ê sī-chūn kà hák-seng Pút-hoat .

Ū chit jít, i ēng pò<sup>a</sup> tiám-cheng ê sī-kan kā gín-á kóng tē-gák sī gōa-nih-á khióng-pờ; jiân-āu i mng gín-á kóng, “ Ū sīm-mih lāng siū<sup>n</sup> beh lòh tē-gák? Chhiá<sup>n</sup> giáh-chhiú.” Bô pò<sup>a</sup> ê gín-á giáh-chhiú, lâu-su kám-kak chin an-ùi.

Sòa--lòh--khi, i koh ēng pò<sup>a</sup> tiám-cheng ê sī-kan kā gín-á kóng kék-lòk sè-kài sī gōa-nih-á hó, kóng liáu i koh mng gín-á, “ Ū sīm-mih lāng siū<sup>n</sup> beh khi kék-lòk sè-kài? Chhiá<sup>n</sup> giáh-chhiú.” Tāi pō-hūn ê gín-á lóng giáh-chhiú--ah, chí ũ piah-kak--nih chit ê gín-á bô giáh-chhiú, bīn iu-iu. Lâu-su kā i kiò--khi--lâi, mng i kóng, “Sī án-chóa<sup>n</sup> lí bô siū<sup>n</sup> beh khi tē-gák iā bô siū<sup>n</sup> beh khi kék-lòk-sè-kài neh?”

Gín-á ìn kóng, “Góan ma-ma kóng, pàng-òh liáu-āu sīm-mih só-chāi mā bē sái khi, ài kín tng lâi chhù--nih.”

Chit ê chhiò-ōe tiòh sī kóng, gán-chêng ê sī-kong chia<sup>n</sup> sī siōng sit-chāi..ê, beh khi tē-gák á-sī thian-tông lóng ài tui gán-chêng khai-sí.

Gán-chêng ê sī-kong nā sī hoa<sup>n</sup>-hí, ũ ài-sim, koh jîn-chin phah-pià<sup>n</sup>, kam-kak jîn-seng it-phiàn kong-bêng, chiū sī tī thian-tông. Gán-chêng ê sī-kong nā sī chin thòng-khó chí ũ su-sim, òan-tò, siū-hūn kap tui-lòh, kám-kak jîn-seng it-phiàn ơ-àm, tiòh sī tī tē-gák--ah.